

i-Saraan lindungi pekerja gig, sektor tidak formal

UTUSAN MALAYSIA

18 JUN 2025

m/s: 6

Oleh FITRI NIZAM dan
FATIN NORIZATI MAT ISA
utusannews@mediamulla.com.my

KUALA LUMPUR: Kumpulan Wang Simpanan Pekerja (KWSP) terus memperkukuh jaringan keselamatan sosial dengan meningkatkan insentif program i-Saraan, khusus untuk pekerja gig dan sektor tidak formal yang sebelum ini sering terpinggir daripada perlindungan persaraan.

Pengerusi KWSP, Tan Sri Mohd. Zuki Ali berkata, mulai tahun ini, sumbangan padanan kerajaan bagi program i-Saraan dinaikkan kepada 20 peratus dengan had maksimum RM500 setahun dan jumlah keseluruhan sumbangan sehingga RM5,000 sepanjang hayat.

Katanya, langkah itu dilihat sebagai pengiktirafan terhadap keperluan untuk menyesuaikan sistem persaraan dengan realiti baharu pekerjaan moden, terutama dalam kalangan pekerja bebas dan tidak bergaji tetap.

“Setakat tahun lalu, seramai 1.2 juta rakyat Malaysia telah mencarum secara sukarela



PERDANA Menteri, Datuk Seri Anwar Ibrahim melancarkan Persidangan Kesejahteraan Sosial Antarabangsa 2025 di Kuala Lumpur semalam. Turut sama, Mohd. Zuki Ali (dua dari kanan). - UTUSAN/SADDAM YUSOFF

melalui i-Saraan dan hampir 70 peratus daripada mereka terdiri daripada pekerja gig dan sektor tidak formal,” katanya pada Persidangan Kesejahteraan Sosial Antarabangsa 2025 (ISWC 2025) di sini semalam.

Mengulas lanjut, Mohd. Zuki berkata, peningkatan penyertaan itu membuktikan inisiatif sedemikian penting dalam merapatkan jurang perlindungan sosial yang selama ini hanya fokus kepada pekerjaan formal.

Menurutnya, KWSP kini sedang melakar hala tuju baharu sistem persaraan negara dengan memastikan tiada golongan tercicir, terutama mereka yang bekerja di luar sistem konvensional.